

Continuacion pagina 22 Hulanda. Porcierto cu "The Friends" a cambia di nomber pa "Champagne". Ultimo banda musical cu el'a forma parti di dje tabata di e gran musico Arubano, Willy "Latino" Tjong a Yong, cual tabata un grupo hopi respeta na Hulanda. Cu tur e gruponan aki Ajoen a tour full rond Hulanda, Belgica, Francia, Spaña y Alemania. Na aña 1992, Ajoen a regresa su Isla natal stima Aruba y un di e prome agrupacion musical cu Ajoen a forma parti tabata Los Pimentosos di Vicente Kelly, cual banda el'a viaha pa Valledupar, Colombia y a presenta den e grandioso Festival di Vallenato. Pa 15 aña largo Ajoen a forma parti di "The Creators" di Carlos Jacobs, den cual banda el'a presenta den varios concierto di reggae e.o: Steelpulse, Inner Circle, Lucky Dube y tur e Calypso contestnan. Tambe Ajoen a forma parti di e bandanan musical: Grasshopper, TIGO, Musical Time, e

banda di Tuyo Herrera. Ultimo, Ajoen tabata hopi activo cu e orquesta di Shurby Mariah. Na hopi ocasion Ajoen tabata presenta cu diferente grupo di Hotel, specialmente e musico Tico Croes tabata esun cu semper tabata yama Ajoen pa toca na Hotel. No tin duda cu Aruba a perde un gran musico, un persona sumamente carismatico, semper trankil y cla pa coopera cu tur banda musical cu mester di ayudo. Awe durante e programa di Poets Show na Real FM, 90.7, entre 10:30 pa 11:30 di merdia lo bay rindi un tributo na Ajoen Chung, den cual programa lo ta presente varios di su ex - coleganan musical cu lo bay rindi nan ultimo palabra na nan gran amigo Ajoen Chung, cual lo ser graba y presenta den Poets TV diarazon 27 di Augustus pa 9:30 na Tele Aruba. Ajoen, mi amigo di infancia, sosega na Paz. Bo amigo di semper, Jan Poets.

